



Broj: 12-14-1254-1/19
Sarajevo, 20.06.2019. godine

Na osnovu člana 70. Zakona o javnim nabavkama ("Službeni glasnik BiH", broj: 39/14) i preporuke Komisije za provođenje postupka nabavke, putem postupka – konkurentski zahtjev za dostavu ponuda za izbor najpovoljnijeg ponuđača za nabavku i sukcesivnu isporuku goriva (DIZEL BAS EN 590-EURO V) za službena motorna vozila Ugovornog organa za potrebe Ureda za reviziju institucija u Federaciji BiH (obavještenje o nabavci broj: 296-7-1-15-3-8/19 objavljeno na Portalu javnih nabavki 10.05.2019. godine), date u Zapisniku sa evaluacije, generalni revizor, donosi

ODLUKU

o poništenju postupka javne nabavke sukcesivne isporuke goriva (DIZEL BAS EN 590-EURO V) za službena motorna vozila Ugovornog organa

I

U postupku nabavke – konkurentski zahtjev za dostavu ponuda za izbor najpovoljnijeg ponuđača za nabavku i sukcesivnu isporuku goriva (DIZEL BAS EN 590-EURO V) za službena motorna vozila Ugovornog organa za potrebe Ureda za reviziju institucija u Federaciji Bosne i Hercegovine, prihvata se prijedlog komisije za javne nabavke od 10.06.2019. godine (prijedlog sadržan u zapisniku o pregledu i ocjeni ponuda) i poništava se postupak javne nabavke: Nabavka i sukcesivna isporuka goriva (DIZEL BAS EN 590-EURO V) za službena motorna vozila Ugovornog organa.

II

Zadužuje se Odjeljenje za pravne i opće poslove i ljudske resurse, da ovu odluku dostavi ponuđačima – učesnicima u postupku u roku od 3 (tri) dana, a najkasnije u roku od 7 (sedam) dana od dana donošenja ove odluke, elektronskom poštom, preporučenom poštom ili neposredno.

III

U skladu sa članom 99. i članom 101. Zakona o javnim nabavkama protiv ove odluke može se uložiti žalba u roku od 5 (pet) dana od dana zaprimanja odluke.

Žalba se ulaže Ugovornom organu u pisanom obliku neposredno na protokolu ili preporučenom poštanskom pošiljkom.

Žalba se podnosi u dovoljnom broju primjeraka, a koji ne može biti manji od 3 (tri).

IV

Ova odluka stupa na snagu danom potpisivanja.

Obrazloženje

Ured za reviziju institucija u Federaciji Bosne i Hercegovine (u daljem tekstu: Ugovorni organ) je u skladu sa odredbama Zakona o javnim nabavkama ("Službeni glasnik BiH", broj: 39/14) i Odlukom broj: 12-14-850-1/2019 od 26.04.2019. godine, pokrenuo postupak nabavke putem postupka – Konkurentski zahtjev za dostavu ponuda za izbor najpovoljnijeg ponuđača za nabavku i sukcesivnu isporuku goriva (DIZEL BAS EN 590-EURO V) za službena motorna vozila Ugovornog organa za potrebe Ureda za reviziju institucija u Federaciji Bosne i Hercegovine za budžetsku 2019. godinu.

Obavještenje o javnoj nabavci, broj: 296-7-1-15-3-8/19 objavljeno na Portalu javnih nabavki 10.05.2019. godine.

Postupak je provela Komisija imenovana Rješenjem generalnog revizora broj: 12-14-851-1/19 od 26.04.2019. godine, koja je o istom sačinila: Zapisnik o zaprimanju ponuda od 31.05.2019. godine, Zapisnik o otvaranju ponuda od

31.05.2019. godine, Analitički prikaz traženih i dostavljenih dokumenata-Kvalifikacija ponuđača br.12-14-851-11/19 od 07.06.2019. godine, Zapisnik o pregledu i ocjeni ponuda br. 12-14-851-12/19 od 10.06.2019. godine.

U postupku pregleda i ocjene ponuda utvrđeno je da:

- Ugovornom organu dva ponuđača su dostavila ponude za nabavku i sukcesivnu isporuku goriva (DIZEL BAS EN 590-EURO V) za službena motorna vozila Ugovornog organa, i to ponuđač: HIFA-PETROL d.o.o. Sarajevo i PETROL BH OIL COMPANY d.o.o. Sarajevo.

- ponuda ponuđača **Hifa Petrol d.o.o. Sarajevo** nije prihvatljiva jer ponuđač nije zadovoljio zahtjev tražen u tački 4.2. c) alineja 1. Tenderske dokumentacije, jer dostavljeno Uvjerenje o usklađenosti kvaliteta tečnih naftnih goriva nije u skladu sa zahtjevima tenderske dokumentacije. Ponuđač na osnovu dostavljenog dokumenta nije dokazao da je kontrola kvalitete goriva provedena u postupku provođenja obaveznog zakonskog monitoringa (kontrola kvalitete) po naredbi Federalnog ministarstva energije, rudarstva i industrije, pa se ne može potvrditi da je monitoring (kontrola kvalitete) izvršen u skladu sa važećim zakonskim i podzakonskim aktima o kontroli kvalitete naftnih tečnih goriva. Dostavljeno Uvjerenje o usklađenosti kvaliteta tečnih naftnih goriva izdato od strane Inspekt - R.G.H. d.o.o. Sarajevo, sadržajno je u potpunosti identično Certifikatu o inspekciji, kojeg izdaje inspekcijско tijelo u slučaju kada je nalogodavac pravno lice (ponuđač). S tim u vezi dostavljeni dokument se ne može smatrati ekvivalentom Uvjerenja koje izdaje inspekcijско tijelo u slučaju kad se provodi obavezni zakonski monitoring (kontrola kvalitete) po naredbi Federalnog ministarstva energije, rudarstva i industrije. Ponuđač Hifa Petrol d.o.o. Sarajevo nije zadovoljio zahtjev tražen u tački 4.3. Tenderske dokumentacije, jer nije dostavio obavijesti o promjeni cijene (OPC) dizel goriva (DIZEL BAS EN 590. EURO V) važeće na dan dostavljanja ponude za benzinske pumpe sa dostavljenog spiska lokacija benzinskih pumpi Ponuđača.


- ponuda ponuđača **Petrol BH Oil Company d.o.o. Sarajevo** nije prihvatljiva jer ponuđač nije zadovoljio zahtjev tražen u tački 4.2. c) alineja 1. Tenderske dokumentacije, jer dostavljeni Certifikat o inspekciji za robu nije u skladu sa zahtjevima tenderske dokumentacije. Ponuđač na osnovu dostavljenog dokumenta/certifikata nije dokazao da je kontrola kvalitete goriva provedena u postupku provođenja obaveznog zakonskog monitoringa (kontrola kvalitete) po naredbi Federalnog ministarstva energije, rudarstva i industrije, pa se ne može potvrditi da je monitoring (kontrola kvalitete) izvršen u skladu sa važećim zakonskim i podzakonskim aktima o kontroli kvalitete naftnih tečnih goriva. S tim u vezi dostavljeni dokument se ne može smatrati ekvivalentom Uvjerenja koje izdaje inspekcijско tijelo u slučaju kad se provodi obavezni zakonski monitoring (kontrola kvalitete) po naredbi Federalnog ministarstva energije, rudarstva i industrije. Ponuđač Petrol BH Oil Company d.o.o. Sarajevo nije zadovoljio zahtjev tražen u tački 4.2. c) alineja 3. Tenderske dokumentacije, jer u dostavljenoj izjavi nije navedeno da ponuđač prihvata da ugovorni organ može točiti gorivo na svim benzinskim pumpama ponuđača.

Obzirom da nijedna ponuda nije potpuna i ne ispunjava zahtjeve iz tenderske dokumentacije, ugovorni organ dužan je odbaciti ponude u skladu sa članom 68. St. 4 Zakona o javnim nabavkama, te shodnom primjenom člana 69. stav 2. tačka d) postupak nabavke i sukcesivne isporuke goriva (DIZEL BAS EN 590-EURO V) za službena motorna vozila Ugovornog organa se poništava.

Na prijedlog Komisije Ugovorni organ je donio odluku kao u dispozitivu.

Dostaviti:

- Hifa Petrol d.o.o. Sarajevo
- Petrol BH Oil Company d.o.o.
- a/a.



GENERALNI REVIZOR

Dževad Nekić, dipl. oec.